

Teej im Wūno in Kōmadmōd Nañinmijin Tuberculosis (TB) eo Ejab Kabobo

Lok ñan 13 milien armij ilo Amedka emaron wōr TB eo ejab kabobo ibbeir (bar etannin nañinmijin TB eo ejab kabobo). Ilo ien kwōjab bōke wūno in kōmadmōd eo, 1 jen 10 armij ro ewōr TB eo ejab kabobo ibbeir renaj nañinmij kin TB eo ekabobo, im remaron kaajeeded TB ñan armij ro jet ilo mejatoto. **Kwōmaron jibañ bōbrae an jab ajeeded TB.**


1 Lomnak Ewōr ke uwōta ñan aō bōk nañinmijin TB?

Kenono ibben taktō eo am kin am bōk teej eo elañe kwōj:

kwar lotak ilo ak ekut am ito tak ñan aelon ko ekkā an wōr TB, ekoba aelon ko ilo Asia, Africa, im Latin America



kwōj jokwe ak kwōkujoñ jokwe ilo jikin ko elab armij rej jokwe ibben doon im elablok an ekkā an wōr TB, einwōt imōn kiki ko an armij ro ejellok imōn aer jokwe ak imōn kalbuj ko



Ilo raan ko rej kab jemlok kwar bed iturin juon armij eo ewōr an nañinmijin TB eo ekabobo



emōj nolok an enbwinier maron bōbrae jen nañinmij kin jet wūno ko rej bōki ak nañinmij ko einwōt tōñal, cancer, im HIV



jerbal ilo jikin ko elab uwōta ñan an ajeeded Tb, einwōt aujbitol ko, imōn kiki ko an ro ejellok imōn aer jokwe, imōn kalbuj ko, im imōn nōōjin ko

Jekdoñ armij ro emōj aer bōke wā in TB eo ettanin bacille Calmette-Guérin (BCG), rej aikuj teej kinke wā eo ej mojnolok an jerbal iomwin ien.

2 Teej

Teej in TB ta eo ij aikuji?

Ewōr ruo kain teej ko ñan nañinmijin TB: teej in TB ilo bōtōktōk im teej in TB ilo kil. Emmonlok teej in TB ilo bōtōktōk ñan teej in TB ñan armij ro emōj aer bōke wā eo an TB (BCG). Taktō im rinañinmij ro rej aikuj kenono ibben doon ñan lale teej eo emmontata ñan kajojo armij.



3 Kōmadmōd

Ta wūno in kōmadmōd ko imaron bōki?

Bōke wūno in kōmadmōde TB eo ejab kabobo ej wāween eo emmontata ñan kejbarok kwe jen am bōk nañinmijin TB eo ekabobo. Ilo ien eo emaron, CDC ej rōjañ kōjerbal wūno ko an ien kadu im rebidodo iomwin **3 ak 4-allon wūno in rifamycin** ñan kōmadmōde TB eo ejab kabobo.

